

十二品生死經  
輪轉五道罪福報應經  
五無反復經  
佛大僧大經

三百四  
竟七

49793



四經同卷七

十二品生死經



輪轉五道罪福報應經

五無反復經

佛大僧大經

佛說十二品生死經

宋三藏法師求那跋陀羅譯

聞如是一時佛遊舍衛祇樹給孤獨精舍

時佛告諸比丘我為汝說經比丘應唯然世

尊願受教勅佛言人死有十二品何等十二


一曰無餘死者謂羅漢無所著也二曰度於

死者謂阿那含不復還也三曰有餘死者謂



斯陀含往而還也四曰學度死者謂須陀洹  
見道迹也五曰無欺死者謂八等人也六曰  
歡喜死者謂行一心也七曰數數死者謂惡  
戒人也八曰悔死者謂凡夫也九曰橫死者  
謂孤獨苦也十曰縛著死者謂畜生也十一  
曰燒灼死者謂地獄也十二曰飢渴死者謂  
餓鬼也比丘當曉知是當作是學勿為放逸  
勿起婬色遠離諸橫以清淨心所未得證常  
令成就所以者何數數死為甚苦海死亦苦  
橫死甚劇縛著死亦劇燒灼死甚痛飢渴死  
亦痛如是比丘當作是學習在閑居若處樹  
下學禪一心無得輕戲無得後悔是為佛教

是佛法則佛說如是比丘歡喜秘首而退  
佛說十二品生死經



佛說輪轉五道罪福報應經

宋三藏法師求那跋陀羅譯

聞如是。一時佛在迦維羅衛國釋氏精舍。與  
千二百五十比丘俱。九月本齋。一時畢竟佛  
從禪室出。往至舍衛國祇樹給孤獨園。二國之  
間。有一大樹。名尼拘類樹。高百二十里。枝葉  
方圓。覆六十里。其樹上子。數千萬斛。食之香  
甘。其味如蜜。甘果孰落。人民食之。衆病皆除。愈

眼目精明佛坐樹下時諸比丘取果食之佛  
語阿難吾觀天地萬物各有宿緣阿難即前  
爲佛作禮長跪白佛言何等宿緣此諸弟子  
願欲聞之唯具演說開化未聞佛告阿難善  
哉善哉若樂聞者一心善聽

佛語阿難夫人作福譬如樹本種一核稍  
稍漸大收子無限人而豪貴國王長者從禮  
佛事三寶中來爲人太富財物無限從布施  
中來爲人長壽無有疾病身體強壯從持戒  
中來爲人端正顏色妙好暉容第一身體柔  
軟口氣香潔人見姿容無不歡喜視之無厭  
從忍辱中來爲人修習無有懈怠樂爲福德

從精進中來爲人安詳言行審諦從禪定中  
來爲人才明達解深法讚歎妙義開悟愚蒙  
人聞其言莫不諮受宜用爲珍寶從智慧中  
來爲人音聲清徹從歌詠三寶中來爲人潔  
淨無有疾病從慈心中來阿難白佛云何爲  
慈佛語阿難一慈衆生如母愛子二悲世間  
欲令解脫道意三心常歡喜四爲能護念一  
切不犯是爲慈心者也佛語阿難爲人長大  
恭敬人故爲人短小輕慢人故爲人醜陋喜  
瞋恚人故生無所知不學問故爲人專愚不  
教人故爲人瘖瘡謗毀人故爲人聾視經法盲  
喜聽受經法故爲人奴婢負債不償故爲人卑



賤不禮三寶故爲人醜黑遮佛光明故生裸  
國中者喜輕衣糖揆塔寺精舍故生馬蹄國  
中者喜著屐佛前行故生穿曾人國中者布  
施作福悔惜心故生麀鹿麀麀中者喜驚怖  
人故生墮龍中者喜調戲人故身生惡瘡治  
之難差者喜鞭打衆生故人見歡喜者前生  
見人歡喜故人見不歡喜者前生見人不歡  
悅故遭縣官繫閉牢獄杻械其身者前世爲  
人籠繫衆生不從意故爲人脣缺者前世釣  
魚魚決口故聞好言善語心不樂聞於中兩  
舌亂人聽受經法者後墮耽耳狗中

佛語阿難世有愚人聞說法語心不餐採後

墮長耳驢馬之中慳貪獨食後墮餓鬼中出生爲人貧窮饑餓衣不蓋形食不供口好食自噉惡食施人後生猪豚蜚蠊之中喜劫奪人物者後墮羊中生剥其皮償其宿罪好喜殺生者後爲水上浮蜉蝣蚤朝生暮死好喜盜人財物者後墮奴婢牛馬之中償其宿債好喜姪他婦女者死入地獄男抱銅柱女臥鐵牀從地獄出常生下處當墮鷄鴨中好喜妄語傳人惡事死入地獄羊銅灌口拔出其舌以牛犁之出墮鷄梟鳥中人聞其鳴莫不驚怖皆言變怪况今其死喜飲酒醉犯三十六失死墮涕屎泥犁之中出生墮狴狴中後還爲

人愚癡生無所知夫婦不相和順數共鬪誣更  
相驅遣後墮鳩鴿中貪人力者後墮象中佛語  
阿難州郡令長食官爵祿或人無罪或私侵人  
民錄名繫縛鞭打捶杖強逼輸送告訴無地  
枷械繫閉不得寬縱後墮地獄中身受苦痛  
數千億歲罪畢乃出當墮水牛中貫穿其鼻  
牽船挽車大杖打撲償其宿罪佛語阿難為  
人不淨從脂中來為人慳貪不能廉潔從狗  
中來為人剛強很戾自用從羊中來為人腥  
臭從魚鼈中來為人凶惡含毒心難解者從  
蝮蛇中來好喜美食喜殺害衆生無有慈心  
者從豺狼狸鷹中來為人短命胞胎傷墮生

世未幾而早命終墮在三塗數千萬劫佛言  
此輩前世爲人好喜射獵焚燒山澤採巢破  
卵施捕魚網殺一切衆生貪其皮肉以自食  
噉多短命報世世累劫無有出期慎之慎之  
痛不可言

佛語阿難凡作功德皆應身爲燒香福會轉  
經行道不得倩人呪願若虛如倩人食豈得  
自飽能不飢耶若燒香鮮潔逮薩云若香攝  
一切相然燈續明得三達智無所罣礙燒香  
齋食讀經達觀以爲常法布施得福諸天接  
待萬惡皆却衆魔盡除無敢當者懈怠之人  
安隱詣偶無精進心一朝疾病有不吉利便

燒觸作諸變怪以是之故常當精進罪福隨身如影隨形植種福者亦如厝俱類樹本種一核收子無限施一得倍言不虛也佛時頌曰賢者好布施 天神自扶將 施一得萬倍安樂受命長 今日大布施 其福不可量皆當得佛道 度脫於十方 五戒十善除去瞋因緣合會惟為親 世間榮樂如浮雲不望他許自為親 莫計壽命惜金銀展轉五道如車輪 奉持經戒是大珍天地尚壞何況身 三界衆生如群羊勿貪財色辱悞人

來去五道身壞傷

命速流水何有常

作惡甚近受罪長

泥犁地獄佛鑊湯

制心剛意離禍殃

犯罪入中痛難當

佛告阿難世人無智生死肉眼不知罪福吾

以道眼觀無數劫乃至今身罪福應報猶觀

掌中琉璃珠內外明徹無狐疑想阿難前整

衣服爲佛作禮而白佛言演說此經當何名

之佛語阿難此經名爲輪轉五道亦名罪福

報應若有善男子善女人諷誦宣傳功德無

量當見禮待賢劫千佛奉侍供養不墮三塗

八難之處得戒定慧佛說經竟五百比丘漏

盡意解七百比丘得須陀洹道八百羅漢

得菩薩道諸天龍神是時樹下清信士萬二  
千人清信女六千人悉履道迹諸比丘比丘  
尼優婆塞優婆夷皆得阿那含道天龍鬼神  
世間人民聞佛說法皆言善哉即起作禮遶  
佛三匝歡喜而去

佛說輪轉五道罪福報應經

佛說五無反復經

宋居士但渠京聲譯

聞如是一時佛在舍衛國祇樹精舍與千二百五十比丘俱時有一梵志在羅閱祇國聞舍衛人多



慈孝順奉經修道供事三尊便到舍衛國見父  
子二人耕地毒蛇齧殺其子父故耕不視其子亦  
不啼哭梵志問曰此兒誰子耕者荅言是我之  
子梵志曰是卿子者何不啼哭而耕如故其人  
荅曰人生有死物成有敗善者有報惡者有  
對愁憂啼哭何所追逮設不飲食何益死者  
卿今入城我家在某處願過語之吾子已死  
不須持二人食來梵志自念此人無返復見  
死在地情不愁憂而反索食此人不慈無有  
比類梵志便行入城詣耕者家見死兒母即  
便語之卿兒已死父言但持一人食來何以  
不念子耶兒母逆為梵志說譬喻言子者如

客來依人止來亦不却去亦不留此兒本我亦不喚來自來過我生死亦自去非我力乃使進退隨其本行追命所生又語其姊卿弟已死何不啼哭姊即向梵志說喻言我等兄弟譬如工師入山斫木縛作大椳安置水中卒逢大風吹破椳散失隨水流去前後分張不相顧望我弟亦亦如是宿命因緣一時共合會在一家人隨命長短生死無常合會有離我弟命盡各自隨行無常對至隨其本行不能相救又語死者婦卿夫已死何不啼哭婦復爲梵志說喻言我等夫婦因緣共會須臾間已譬如飛鳥暮栖高樹同共止宿向明早起各自飛去行求飲食有緣則合無緣

則離我等夫婦亦復如是去住進止亦我之力無常  
對至隨其本命不能相救又語其奴汝大家  
見死何不啼哭奴復說喻我之大家因緣合  
會我如犢子隨逐大牛人殺大牛犢子在邊  
不能救大牛無常之命不可得救奈何愁憂  
啼哭亦無所益梵志聞之心惑目冥不識東  
西我聞此國人孝順奉道供事三尊故從遠來  
欲得學問未有善應而見五無返復人勞身  
苦心遠來至此了無所益又問行人佛在何  
許欲往問之行人荅曰近在祇洹精舍梵志  
即往到佛所稽首佛足作禮却坐一面愁憂  
低頭默無所說佛知其意謂梵志曰何為我

頭愁憂不樂梵志白佛言所願不果違我本  
心是故愁憂也佛問曰有何所失愁憂不樂梵志  
白佛言我從羅閱祇國來聞此國人孝順奉敬三  
尊故從遠來欲得學問既來到此見五無返復  
人是故愁憂不樂佛言何謂無返復者梵志白  
佛言我見父子二人耕地下種子死在地父亦  
不愁反更索食而反向我說無常事母婦及  
姊與奴都無愁憂是爲大逆無返復也佛言  
不然不如卿語此之五人最有返復知命無  
常非愁憂所逮往古聖不免斯患况於凡夫大  
啼小哭何益死者世間俗人無數劫來流轉  
生死遷神不滅死而復生如車輪轉無有休

息散死向生非憂愁所逮梵志聞之心開意  
更無憂感我聞佛說如病得愈如盲得視如  
闇遇明於是梵志即得道跡一切死亡不足  
啼哭欲爲亡者請佛及僧燒香供養讀誦經  
典能日日作禮復志心供養三寶最是爲要  
於是梵志稽首作禮受教而去

佛說五無反復經

佛說佛大僧大經

宋居士沮渠京聲譯

佛在王舍國國有富者其名曰厲金銀衆寶  
田地舍宅牛馬奴婢不可稱數厲年西耄絕  
無繼嗣其國常法入無子者死後財物皆沒

入官厲禱日月諸天鬼神并九子母山樹諸  
神皆從請子不能致之厲自念曰人有緩急  
輒往自歸山樹之神靡所不至財寶銷索產  
業不修疾病相仍灾禍首尾奴婢死亡六畜  
不孳俱為妖孽鬼神導師迷惑儻使亂君內  
居云當有福而禍重至由盲吞毒謂之良藥  
廣有瘳損毒著喪身吾今殺生祠祀鬼神當  
入地獄而望天祚豈不惑哉世有佛道高操  
之聖有得仙者名曰應真人真人清淨如瑠  
璃珠精進存想乃覩之耳奉斯道者惟守靜  
寞無欲無求以斯為樂現世得安終生天上  
厲自念曰置吾常供養奉佛三尊奉佛一載婦

遇生男厲曰奉佛獲願字曰佛大佛諸弟子  
謚比丘僧試復事之事未滿歲復生賢男字  
曰僧大厲訓二子示以聖道僧大稟性仁愛  
人物孝心難攀誦佛法戒親近沙門清淨知  
足親覩其志愛之有特親被疾著牀即呼長  
子涕泣誠之夫生有死萬物無常持戒者安  
犯戒者危其持佛戒終始無患僧大尚小仁  
孝清白厲以累介辭句適竟淹忽歿故弟失  
所天孤無歸告數啓其兄欲作沙門其國之  
法兒欲求婦便佯詐云欲作沙門親懼其然  
早為娉妻佛大以弟等彼偽類即為尋索國  
最賢家女字快見光華焯焯端正少雙長短



肥瘦適得其中貞潔慈孝猶星中月國女賢  
婦靡不歡悅婦歸昇堂兄會賓客九族欣然  
無不和樂兄於衆賓調其弟曰當今之日可  
作沙門乎僧大荅曰大兄放吾使作沙門實  
我宿願悟兄者天審欲作之戲之曰可從尔  
志願弟心歡喜爲兄作禮即日入山見一沙  
門年少端正獨處樹下前趣又手稽首爲禮  
却住問曰賢者何緣行作沙門其人已得應  
真之道豫知去來無數劫事謂僧大曰佛經  
說言人好姪姪如火燒身如持炬火逆風而  
行其炎稍却不置炬者火燒其手猶烏啣肉  
鷹鷂追爭烏不置肉灾及軀命姪姪如斯無

不危殆吾以是故作沙門耳蜜塗利刀小兒  
貪甜以舌舐之有截舌之患姪媿之人苟快  
愚心不惟其後有燒身之害譬如餓狗路得  
枯骨齧齧齧傷口缺齒適自傷毀何益於  
已姪媿如此百千億劫無絲髮之福而有三  
塗之罪吾念是故作沙門耳譬如樹木華果  
茂盛行人貪之杖石搗打須臾之間華損果  
落枝葉殘傷樹以華果自招凋喪蛾貪火色  
投入于燈體見燒煮將何剋獲為姪媿者不  
別善惡遠賢親愚日就流冥亡國滅身死入  
地獄惡著罪成悔將何逮佛見之諦開示聖  
道吾望佛恩得覩經戒心守清白獨而無患

願視流俗乃知誤耳吾以是故作沙門也僧  
大聞之頓首足下長跪而白佛真上聖諸天  
之尊經以滅度入我心中願去世濁履清淨  
道奉沙門戒以爲榮福師即喻之沙門重戒  
侍師數月即啓師云意欲入山間寂定禪息  
求道應真尔乃滅患師曰獨居山中大難處  
也處山澤者當學星宿明知候時常當儲待  
水火麪蜜所以然者盜賊之求水火麪蜜夜  
半向晨問當解之給賊所欲違其意者賊輒  
殺人僧大曰諾敬奉慈教具學所命却乃入  
山其兄念曰弟作沙門終不畜妻妻快見者  
端正無雙兄心悅之起從快見持琴自隨作

婆彈之歌姪妣之曲煌煌鬱金生于野田過  
時不採恐見棄捐曼介豐熾華色惟新與我  
同歡固斯厚親年一西風孰復介珍快見即  
覺兄欲為亂便以歌曲荅佛大曰巍巍我師  
天人之尊門徒清潔謚白沙門歎真為聖姪  
為畜倫我受嚴戒不事二君終不姪生寧就  
寸分佛大作情悲之曲委靡之辭宿心加介  
故因良媒問名詣師占相良時慘惕慘惕懼  
介不來旣覩光顏我心怡怡今不合歡豈徒  
費哉斯誓為定淑女何疑使見惶灼歌荅之  
曰佛設禮儀尊卑有叙叔妻即子壻伯即父  
我親奉戒日有隆舉真與聖齊姪正蟲鼠噫

乎伯子焉爲斯語兄心迷惑貪好快見其意  
又甚不可轉移快見又歌夫人處世當遠二  
事不孝姪亂行違佛戒天及賢者箋其自異  
佛大歌曰尔之容色輝輝灼然普天美女豈  
有尔顏我心相悅故踰大山快見自念斯子  
欲我悖狂之亂沮致大難請說身中惡露不  
淨尔乃却耳快見重曰仁貪我軀軀有何好  
頭有九骨合爲髑髏中但有腦面有七孔皆  
出涕唾以皮裹骨貪頭頸者皮肉相裹身有  
毛髮爪齒皮肤血腦骨肉腹中有心脾腎腸  
膈肪髓屎尿膿血寒熱足與脛連脛與胫連  
胫與尻連尻與腰連腰與脊連脊與脅連脅

與頸連頸與髑髏連臂與肘連肘與肩連我  
如畫瓶中盈屎尿身中不淨可惡如此何可  
貪乎凡人所喜有說其惡心即賤之佛大自  
念女念其壻何肯聽我我殺弟者尔乃隨耳  
佛大瞋恚即行算求數為賊者見輕薄人在  
于酒家前與語曰寧知我家所畜六藉奴子  
逃作沙門今在山中賊曰識之佛大即出金  
銀與之令殺奴子疾取其頭及身上衣所持  
法杖足下履屣皆以相還吾復重賜卿等金  
銀賊大喜曰從吾取足即去入山到其弟所  
呼曰沙門汝疾出來其弟出曰諸君何求吾  
有水火麩蜜可食夜時已半賊曰不求水火

赴蜜不問卿時也欲得汝頭持去之耳其弟  
聞之即大惶怖涕泣而曰吾非長者諸侯子  
也捨俗爲道與世無爭學道日淺未獲溝港  
頻來不還應真六通殺吾何益賊曰來爲汝  
首故空復云云求哀何益其弟自念此賊獨  
聞我富家謂我持寶來在此也語其賊曰欲  
得寶者吾兄在家字曰佛大吾與書令惠卿  
寶在所欲得從卿志願賊曰子兄令我來殺  
子其弟即曰吾今死矣由斯婦也師前誡我  
人與姪居如持炬火逆風而行捨之不早火  
將燒手如蜜塗刀如膺追烏狗得枯骨樹之  
華果色爲身害深如師誡涕泣從賊乞一歲

活令吾得道吾常在此相殺不晚賊曰今欲  
得子頭去何云一歲山居道人多得道者恐  
子輕舉行神足去勿復多云俘取頭去其弟  
重曰願莫即殺先斷我一脛置吾前也其賊  
因前先斷一脛置於其前弟遭此痛不可言  
天來下至道人所曰慎莫恐怖牢持汝心汝  
前世時入畜生中人所屠割稱賣汝肉非一  
世矣地獄餓鬼汝皆更之苦痛以來非適今  
也僧大語天一哀語我師令知吾因師示吾  
道死生何在在天即爲行語其師曰卿賢弟子  
人欲殺之涕泣求哀欲得見師師飛行到弟  
子所爲說經曰天地須弥尚有滅壞海有消



竭七日有壞天下有風其名惟藍惟藍一起  
山山相搏斯風有滅況汝小軀何等比數但  
當念佛佛常言無常盛必有衰合會有離榮  
位難保身亦如之僧大便得溝港道復斷一  
脛重念師誠復得頻來道賊斷左手復念師  
誠得不還道賊斷右手復念師誠得應真道  
便不畏三惡道也生死自在無所復畏僧大  
曰取樹皮來即爲剝樹皮與之僧大取枝以  
爲筆自刺身血書樹皮曰大兄起居隨時安  
善二親在時以吾累兄兄不承之違廢親教  
以女色故骨肉相殘違親慈教爲不孝也殘  
殺人命爲不仁也殺一畜生其罪不小況殺

應真吾不中止兄自招之今吾有形可得相  
殺善遊寂漠徒復相害長別努力願崇真道  
伸頸長二尺語其賊曰子斷吾頭猶泥頭也  
勿有恐意吾恐汝等墮地獄中賊前斷頭取  
身上衣杖屣及鉢持至兄所衣杖屣鉢皆持  
與兄兄以金銀重謝其賊兄取弟頭爲作假  
形以頭著上以衣衣之杖鉢及屣皆著其傍  
謂使見曰汝壻來歸可問訊之使見大喜走  
至其所見閉目坐以爲思道妻不敢呼具作  
美食湏念道覺當飯之日中不覺妻因前白  
日今已中恐過時也怪其不應牽衣起之頭  
便墮地身皆分散各在一面妻即大怖蹣跚

呼曰子竟坐吾見殘賊乎哀憤呼天情裂肝  
心崩血出口淹忽而死戒行清白難行如空  
樹心聖範難動如地貞淨行高難揆如天其  
未終時諸天咨嗟豫安所生迎其魂靈處忉  
利天忍湏臾之姪獲天上難盡之榮兄入神  
室視婦胡爲兄見弟頭身分散狼藉其婦吐  
血死在一面兄見弟妻死死如此呼曰咄咄  
吾爲逆天所作酷裂乃致於此也兄即至賊所  
問其意吾弟臨歿將有遺言乎賊曰有書以  
書見之書辭懇惻讀書訖竟五內噎塞涕泣  
交橫吾違尊親臨亡慈教骨肉相殘又殺應  
真感隔而死死入地獄王及臣民間其事變

衰涕泣哽噎歎述清德殯葬其弟四輩立  
 塔天龍鬼神側塞空中散華燒香無不傷心  
 其妻使見國人葬之舉哀動國諸天下讚精  
 進得道五戒不虧貞生天上違佛法教不孝  
 殘聖死入地獄燒煮苦毒其歲難數佛便告  
 諸弟子自斯之後重相勸勵尚於無欲佛說  
 經竟弟子歡喜作禮而去

佛說佛大僧大經七

竟

厲音例耄莫報反孳音茲孳魚列反瘳音抽益音亦奄於反檢

娉疋反併肥瘦上房非反媻而一鷹鷗上於陵反

危殆下音待甜徒添反舐時只反齧齧上丘奇反



酥斛二同胡核開革粟軟二同塘突上音唐正

作反音逆麀音麇音麇音麇音戴鳴上音恐作鳶

肫上音張如反音蟻音娘音梁反戴音鳴音恐作鳶

鷄上音尺反脂反捶打上音之委反輸式朱告訴

素下音打撲下音木反拒反戾上音戶下腥音蝮方伏

豺狼柴二郎音狸反力之探上音巢下助交反情及七淨

薩下而諧上戶

五無反復經

齧反吾結材音棧音攢音讀

十二品生死經四經同卷

竟

